



საქართველოს საბჭოთა სოციალისტური რესპუბლიკის



უმაღლესი საბჭოს უწყებები

№ 3 (66)

7 ივლისი

1955 წელი

შ ი ნ ა ა რ ს ი

საქართველოს სსრ უმაღლესი საბჭოს პრეზიდიუმის ბრძანებულებანი და დადგენილებანი

1. მშრომელთა საჩივრებისა და განცხადებების განხილვის საქმეში არსებულ სერიოზულ ნაკლოვანებათა შესახებ.
2. მშრომელთა დეპუტატების ადგილობრივი საბჭოების არჩევნების დროს ამომრჩეველთა მიერ შეტანილი წინადადებებისა და კრიტიკული შენიშვნების შესრულების შესახებ.
3. ბრძანებულება საქართველოს სსრ ზოგიერთ რაიონში აღმინისტრაციულ-ტერიტორიული ცვლილებების შესახებ.
4. ბრძანებულება აკარის ასსრ ქობულეთის რაიონის ქახათის სასოფლო საბჭოს ცენტრის გადატანის, საბჭოს გადარქმევისა და ზოგიერთი სოფლის გაუქმების შესახებ.
5. საქართველოს სსრ უმაღლესი საბჭოს პრეზიდიუმის 1949 წლის 13 ივნისის და 19 ივლისის დადგენილებების ნაწილობრივად შეცვლის შესახებ.



საქართველოს სსრ უმაღლესი საბჭოს პრეზიდიუმის ბრძანებულებანი და დადგენილებანი

1. მშრომელთა საჩივრებისა და განცხადებების განხილვის საქმეში არსებულ სერიოზულ ნაკლოვანებათა შესახებ

მოისმინა და განიხილა რა საქართველოს სსრ სახელმწიფო კონტროლის ნინისტრის ამხ. გ. გ. თვალკურელიძის მოხსენება სამხრეთ ოსეთის ავტონომიური ოლქის, ღუშეთის, ზესტაფონის, სამტრედიის, სიღნაღის, თელავის და წყალტუბოს რაიონების მშრომელთა დეპუტატების საბჭოების აღმასკომებში, აგრეთვე საქართველოს სსრ სოფლის მეურნეობის სამინისტროსა და საქართველოს სსრ ფინანსთა სამინისტროს გადასახადთა და გამოსაღებთა სამმართველოში მშრომელთა განცხადებებისა და საჩივრების განხილვის მდგომარეობის შესახებ, საქართველოს სსრ უმაღლესი საბჭოს პრეზიდიუმში აღნიშნავს, რომ ბევრი დაწესებულებისა და ორგანიზაციის მუშაობას სერიოზული ნაკლოვანებანი ახასიათებს მშრომელთა განცხადებებისა და საჩივრების გადაწყვეტის საქმეში. ამ მხრივ ჯერ კიდევ არ არის აღმოფხვრილი ბიუროკრატიზმის, საქმის გაჭიანურებისა და მშრომელთა კანონიერი მოთხოვნების დაკმაყოფილებისადმი უსულგულო დამოკიდებულების ფაქტები.

ადგილობრივი საბჭოების აღმასკომების ზოგიერთი თავმჯდომარე, სამინისტროებისა და უწყებების ხელმძღვანელები უშუალოდ არ მუშაობენ მშრომელთა საჩივრებისა და განცხადებების განხილვაზე და ამ დიდმნიშვნელოვან საქმეს აპარატის მუშაკებს ანდობენ.

შემოწმებულ დაწესებულებებსა და ორგანიზაციებში უხეშად ირღვევა მშრომელთა საჩივრებისა და განცხადებების გადაწყვეტის ვადები, რაც დაწესებულთა სსრ კავშირის ცაკის 1935 წლის 14 დეკემბრის დადგენილებით.

ზესტაფონის რაიადმასკომში 1954 წლის ივლისიდან მიმდინარე წლის 15 აპრილამდე შემოსული 652 საჩივრიდან და განცხადებიდან 79 განხილული იყო დაწესებული ვადების დარღვევით, წყალტუბოს რაიადმასკომში ამავე პერიოდში 332 განცხადებიდან და საჩივრიდან განხილულია 62 განცხადება. მშრომელთა საჩივრებისა და განცხადებების განხილვის ვადების დარღვევას ადგილი ჰქონდა საქართველოს სსრ სოფლის მეურნეობის სამინისტროში, ფინანსთა სამინისტროში და აგრეთვე ზესტაფონის, სამტრედიის, თელავის, წყალტუბოს და სტალინის რაიადმასკომებში.

არის ფაქტები, როდესაც მშრომელთა განცხადებების და საჩივრების განხილვა თვეობით ჭიანურდება.

მშრომელთა საჩივრებისა და განცხადებების განხილვის საქმის არაღამაკმაყოფილებლად დაყენების შედეგად, ბევრ ადგილობრივ დაწესებულებასა და ორგანიზაციაში დროზე ვერ კმაყოფილება მშრომელთა კანონიერი მოთხოვნები, რის გამო ისინი იძულებული არიან რამდენჯერმე მიმართონ განმეორებითი საჩივრებითა და განცხადებებით, ან მიაღწიონ თავიანთ კანონიერ მოთხოვნათა დაკმაყოფილებას ზემდგომი ორგანოების მეშვეობით.

იმის ნაცვლად, რომ არსებითად განიხილონ შემოსული საჩივრები და განცხადებები, დაწესებულებათა ზოგიერთი ხელმძღვანელი ეწევა ფორმალურ ნიმოწერას, ან უგზავნის მათ სხვა უწყებებსა და ქვემდგომ ორგანიზაციებს გარკვეული მითითებების მიუხედავად.

ჯერ კიდევ არ არის აღმოფხვრილი მანერე პრაქტიკა საჩივრების გადა-

გზავნისა იმ დაწესებულებებისათვის და თანამდებობის პირთათვის, რომელთა მოქმედებაზეც ის არის შემოტანილი.

საქართველოს სსრ სოფლის მეურნეობის სამინისტროს სატყეო მეურნეობის მთავარ სამმართველოში ადგილი ჰქონდა საჩივრების განსახილველად გადაგზავნის ფაქტებს იმ პირებისათვის, რომელთა მოქმედებაც გასაჩივრებელი იყო.

ცალკეულ შემოწმებულ დაწესებულებებსა და ორგანიზაციებში არ არის მოგვარებული მშრომელთა საჩივრებისა და განცხადებების აღრიცხვა, ადგილი აქვს მათს დაუდევრად შენახვისა და დაკარგვის ფაქტებს, კონტროლი არ ეწევა განცხადებების მსვლელობას.

სტალინის რაიფინგანში 1954-55 წლებში შემოსული 409 განცხადებიდან საერთო უმრავლესი რეგისტრირებული არ ყოფილა 369, ჯავის რაიფინგანში 245 განცხადებიდან—177, ხოლო ხაშურის რაიფინგანში 1296 განცხადებიდან—1003 განცხადება.

საჩივრებისა და განცხადებების აღრიცხვის, შენახვის არადაამაკმაყოფილებელი მდგომარეობის, აგრეთვე ამ საქმისადმი მუშაკთა უყურადღებო დამოკიდებულების შედეგად, სამტრედიის რაიფინგანში დაიკარგა 10 განცხადება, ხოლო ჩხატაურის რაიფინგანში—2 განცხადება.

სამხრეთ ოსეთის ავტონომიური ოლქის აღმასკომმა არ იცოდა იმ 243 კონტროლზე აღებული საჩივრისა და განცხადების განხილვის შედეგი, რომელიც მან 1954—55 წლებში გაუგზავნა განსახილველად ქვემდგომ დაწესებულებებსა და ორგანიზაციებს.

სამხრეთ ოსეთის ავტონომიური ოლქის, დუშეთის, სამტრედიის და თელავის რაიონების მშრომელთა დეპუტატების საბჭოების აღმასკომები იშვიათად ისმენდნენ თავიანთ სხდომებზე მშრომელთა საჩივრებისა და განცხადებების განხილვა-გადაწყვეტის მდგომარეობის საკითხს. მშრომელთა საჩივრებისა და განცხადებების განხილვაში, აგრეთვე საჩივრების გამო მიღებულ გადაწყვეტილებათა შესრულების შემოწმებაში სუსტ მონაწილეობას იღებენ მშრომელთა დეპუტატების საბჭოების დეპუტატები, მუდმივი კომისიების წევრები, საზოგადოებრივ ორგანიზაციათა წარმომადგენლები; საჩივრების განხილვა ხშირად ხდება განმცხადებლის დაუსწრებლად იმ შემთხვევაშიაც კი, როდესაც მისი დასწრება აუცილებელია.

საჩივრებისა და განცხადებების განხილვის გაუმჯობესების საკითხებს იშვიათად აყენებენ აგრეთვე სამინისტროების კოლეგიის განსახილველად. წარმოება-დაწესებულებების ცალკეული ხელმძღვანელები არ ავლინებენ და არ ღებულობენ ზომებს იმ ნაკლოვანებათა აღმოსაფხვრელად, რომლებიც მშრომელთა საჩივრებისა და განცხადებების მიზეზს წარმოადგენენ.

შემოწმებულ აღმასკომების საფინანსო ორგანოებში მიმდინარე წლის 1 მაისამდე შემოსული 2923 განცხადებიდან და საჩივრიდან 1455 განცხადება შეეზებოდა საფინანსო ორგანოების მიერ სასოფლო-სამეურნეო გადასახადით უმართებულოდ დაბეგვრას. მართა ქუთაისის რაიონის აღმასკომის საფინანსო განყოფილებაში უმართებულოდ დაბეგვრის შესახებ შეტანილი 279 საჩივრიდან დაკმაყოფილებული იყო 200 საჩივარი, ხოლო წყალტუბოს რაიონში—225 საჩივრიდან—124 საჩივარი.

ცენტრალური და ადგილობრივი პრესა ძალიან იშვიათად ათავსებს მასალებს, რომლებიც ააშკარავენ მოქალაქეთა კანონიერი მოთხოვნების

დაკმაყოფილებისადმი უსულგულო-ჩინონიკურ, ბიუროკრატიულ დამოკიდებულებას; დაწესებულებათა ცალკეული ხელმძღვანელები არ ეხმაურებიან პრესის სიგნალებს, არ ამოწმებენ მოყვანილი ფაქტების სისწორეს და არ აცნობებენ პრესის ორგანოებს შემოწმებისა და მიღებული ზომების შედეგებს.

მშრომელთა განცხადებებისა და საჩივრების განხილვის საქმეში სათანადო წესრიგის დამყარების მიზნით, საქართველოს სსრ უმაღლესი საბჭოს პრეზიდიუმი ადგენს:

1. დაევალოს სამხრეთ ოსეთის ავტონომიური ოლქის აღმასკომის, მშრომელთა დეპუტატების საქალაქო და რაიონული საბჭოების აღმასკომების თავმჯდომარეებს, აგრეთვე საქართველოს სსრ სამინისტროებისა და უწყებების ხელმძღვანელებს განუხრელად იხელმძღვანელონ სსრ კავშირის ცაკის 1935 წლის 14 დეკემბრის დადგენილებით „მშრომელთა საჩივრების განხილვის მდგომარეობის შესახებ“, გადაჭრით გააუშვან მშრომელთა განცხადებებისა და საჩივრების განხილვის საქმის დაყენება, განსაკუთრებული ყურადღება მიაქციონ მოქალაქეთა პირად მიღებას და მათი კანონიერი მოთხოვნების დაკმაყოფილებას.

2. ადგილობრივი საბჭოების აღმასკომებმა, სამინისტროებმა და უწყებებმა სისტემატურად განიხილონ მშრომელთა საჩივრებისა და განცხადებების გადაწყვეტის საკითხები აღმასკომების სხდომებზე, ადგილობრივი საბჭოების სესიებზე, სამინისტროების კოლეგიის სხდომებზე, გამოააშკარაონ ნაკლოვანებანი, აღმოფხვრან მშრომელთა საჩივრების გამოწვევი მიზეზები და მიიღონ ზომები მათი ლიკვიდაციისათვის; ფართოდ ჩააბან ამ საქმეში ადგილობრივი საბჭოების დეპუტატები.

3. დაევალოს მშრომელთა დეპუტატების ადგილობრივი საბჭოების აღმასკომებს, სამინისტროებს, უწყებებს უზრუნველყონ შემოსული განცხადებებისა და საჩივრების აღრიცხვა და მათ გამო მიღებულ გადაწყვეტილებათა მოქალაქეებისათვის შეტყობინება.

4. ვინაიდან კანონების დარღვევა ზოგჯერ იმიტომ ხდება, რომ მოქალაქეები მათ სუსტად იცნობენ, პრესის ორგანოებმა, მშრომელთა დეპუტატების საბჭოებმა, პროფკავშირულმა ორგანიზაციებმა, იუსტიციის და პროკურატურის ორგანოებმა ფართოდ გაშალონ მუშაობა, რათა განუმარტონ მოსახლეობას საბჭოთა კანონმდებლობა, რომელიც ითვალისწინებს მოქალაქეთა შრომის, საბინაო, საპენსიო და სხვა ქონებრივ და პირად უფლებებს, აგრეთვე მოვალეობებს.

5. დაევალოს პროკურატურის ორგანოებს გააძლიერონ ზედამხედველობა საჩივრებისა და განცხადებების კანონიერად გადაწყვეტისადმი, ხოლო სახელმწიფო კონტროლის ორგანოებმა სისტემატურად გაუწიონ კონტროლი მშრომელთა საჩივრებისა და განცხადებების განხილვა-გადაწყვეტის ორგანიზაციას. სასტიკ პასუხისგებაში მისცენ თანამდებობის პირები, რომლებიც ეწევიან საქმის გაჭიანურებას, ბიუროკრატიზმს ან უსულგულო დამოკიდებულებას იჩენენ მშრომელთა კანონიერი მოთხოვნების დაკმაყოფილებისადმი.

6. ერჩიით აფხაზეთის და აჭარის ასრ უმაღლესი საბჭოების პრეზიდიუმებს განიხილონ რესპუბლიკების დაწესებულებებსა და ორგანიზაციებში მშრომელთა საჩივრებისა და განცხადებების განხილვის საკითხი და მიიღონ ზომები სათანადო წესრიგის დასამყარებლად ამ დიდმნიშვნელოვან საქმეში.

7. დავალოს საქართველოს სსრ სახელმწიფო კონტროლის სამინისტროს (ამხ. გ. თვალჭრელიძე) შეამოწმოს ამ დადგენილებების შესრულების მდგომარეობა და წარმოუდგინოს საქართველოს სსრ უმაღლესი საბჭოს პრეზიდიუმს ანგარიში მიმდინარე წლის ოქტომბერში.

საქართველოს სსრ უმაღლესი საბჭოს
პრეზიდიუმის თავმჯდომარე მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი ს. როსტიაშვილი.

ქ. თბილისი.
1955 წ. 27 ივნისი.

2. მშრომელთა დეპუტატების ადგილობრივი საბჭოების არჩევნების დროს ამომრჩეველთა მიერ შეტანილი წინადადებებისა და კრიტიკული შენიშვნების შესრულების შესახებ

საქართველოს სსრ უმაღლესი საბჭოს პრეზიდიუმის მიერ ჩატარებული შემოწმებით გამოირკვა, რომ ადგილობრივი საბჭოების მთელი რიგი დეპუტატები, მათი არჩევის შემდეგ, პრაქტიკულად შეუდგნენ თავიანთი ამომრჩევლების განაწესებისა და წინადადებათა შესრულებას. ადგილობრივი საბჭოების აღმასკომებმა, არჩევნების ჩატარების შემდეგ, დახმარება გაუწიეს დეპუტატებს დეპუტატის მოვალეობათა შესრულების საქმეში. საჩხერის რაიონის მშრომელთა დეპუტატების საბჭოს აღმასკომმა, ამავე რაიონის და თელავის რაიონის ზოგიერთმა სასოფლო საბჭომ დროზე შეაგროვეს, განახოგადეს და დეპუტატებს გადასცეს სათანადო საარჩევნო ოლქების ამომრჩეველთა განაწესები და წინადადებანი და მიიღეს ზომები მათი განხორციელებისათვის. დეპუტატების ინიციატივით, ადგილობრივი საბჭოების აღმასკომების აქტიური დახმარებით, დეპუტატებმა განახორციელეს ამომრჩეველთა მთელი რიგი წინადადებანი. საჩხერის რაიონის კობრბოლის სასოფლო საბჭოს დეპუტატმა შ. ბ. მაჭარაშვილმა უზრუნველყო მოსახლეობის დახმარებით კილომეტრნახევარზე წყალსადენის გაყვანა სოფელ ნიგვზარისათვის; ამავე რაიონის ჭალის სასოფლო საბჭოს დეპუტატმა ა. ნ. ახვლედიანმა თავისი ამომრჩეველების განაწესის შესასრულებლად უზრუნველყო მდინარე ყვირილის ხიდის კაპიტალური რემონტი; დეპუტატ ს. თ. დაღუნდარიძის ინიციატივით გურჯაანის რაიონის სოფელ ვაზისუბანში მთავრდება სოფლის სკოლის ოთხი საკლასო ოთახის დამატებითი მშენებლობა; ქ. თელავში დეპუტატ ორკოდაშვილის ინიციატივით, შეკეთებულია ორჯონიკიძის სახელობის ქუჩა. ანალოგიური სამუშაოები შეასრულეს მშრომელთა დეპუტატების სხვა ადგილობრივი საბჭოების დეპუტატებმაც.

ამასთან ერთად, საქართველოს სსრ უმაღლესი საბჭოს პრეზიდიუმი აღნიშნავს, რომ ადგილობრივი საბჭოების ყველა დეპუტატი ჯერ კიდევ არ მუშაობს აქტიურად თავიანთ ამომრჩეველთა განაწესებისა და წინადადებების შესასრულებლად. მშრომელთა დეპუტატების ადგილობრივი საბჭოების მთელი რიგი აღმასკომები ჯერ კიდევ არ უწივენ დეპუტატებს საჭირო დახმარებას დეპუტატის მოვალეობათა განხორციელებაში.

გურჯაანის, დმანისის, წალკის, ხაშურის და სხვა რაიონების მშრომელთა დეპუტატების საბჭოების აღმასკომებს არ შეუფროვებიათ, არ განუზოგადებიათ და დეპუტატებისათვის არ გადაუციათ ამომრჩეველთა განაწესები და წინადადებანი, რის გამოც დეპუტატები არ შედგომიან მათ შესრულებას.

მშრომელთა დეპუტატების ადგილობრივი საბჭოების ბევრი აღმასკომი არ ითვალისწინებს აღმასკომის სამუშაო გეგმით ამომრჩეველთა წინადადებების შესრულებას და არ ლეზულობს ზომებს იმისათვის, რომ ჩააბას ამ მუშაობაში საზოგადოებრივი ორგანიზაციები, საწარმოები და დაწესებულებები.

მშრომელთა დეპუტატების ადგილობრივი საბჭოების აღმასკომები არ ატარებენ ადგილობრივი საბჭოების დეპუტატებთან თათბირებსა და საუბრებს მათ წინაშე დასახული ამოცანების განმარტებისათვის, არ ანზოგადებენ მათი მუშაობის პრაქტიკას და არ აშუქებენ პრესაში დეპუტატთა მიერ დეპუტატის მოვალეობის შესრულებასთან დაკავშირებულ მასალებს.

ანიჭებს რა დიდ პოლიტიკურ და სამეურნეო მნიშვნელობას დეპუტატების მუშაობას და მათ მიერ ამომრჩეველთა განაწესებისა და წინადადებების შესრულებას, საქართველოს სსრ უმაღლესი საბჭოს პრეზიდიუმი ა დ გ ე ნ ს:

დაევალოს საქართველოს სსრ მშრომელთა დეპუტატების საოლქო, რაიონული და საქალაქო საბჭოების აღმასკომების თავმჯდომარეებს:

1. უზრუნველყონ ადგილობრივი საბჭოების დეპუტატების მიერ ამომრჩეველებისათვის მიცემული ყველა განაწესისა და წინადადების აღრიცხვა და მათი გადაცემა დეპუტატებისათვის, საჭირო დახმარება აღმოუჩინონ დეპუტატებს ამომრჩეველთა განაწესებისა და წინადადებების შესრულებაში, შეიტანონ აღმასკომების სამუშაო გეგმებში ამომრჩეველთა წინადადებების და განაწესების შესრულებასთან დაკავშირებული საკითხები და მიიღონ ზომები მათი განხორციელებისათვის. პერიოდულად განიხილონ საბჭოების სესიებზე და აღმასკომების სხდომებზე ამომრჩეველთა განაწესებისა და წინადადებების შესრულება.

2. სისტემატურად დაუჭირონ მხარი და განავითარონ დეპუტატთა შემოქმედებითი ინიციატივა ამომრჩეველთა იმ წინადადებების შესრულებისათვის, რომლებიც მიმართულია მოსახლეობის მომსახურების გაუმჯობესებისაკენ, დასახლებული პუნქტების კეთილმოწყობისაკენ, ქუჩების გამწვანებისაკენ, გზებისა და ხიდების მშენებლობა-რემონტისაკენ.

3. დეპუტატთა მუშაობის გამოცდილების გაზიარების მიზნით, პერიოდულად მოაწყონ დეპუტატთა თათბირები და საუბრები მათი მუშაობის გამოცდილების გაზიარებისათვის, პრაქტიკული დახმარება აღმოუჩინონ მათ ამომრჩეველთა განაწესებისა და წინადადებების განხორციელებაში.

4. უზრუნველყონ იმის მოწყობა, რომ დეპუტატებმა ანგარიშები ჩააბარონ თავიანთი ოლქების ამომრჩეველებს მათი განაწესებისა და წინადადებების შესრულების შესახებ, დაეხმარონ მათ ანგარიშების შედგენაში, მოამარაგონ ისინი საცნობარო მასალებით საბჭოსა და აღმასკომის მუშაობის შესახებ, უზრუნველყონ ანგარიშების საქმიანი განხილვა და როგორც საბჭოების, ისე დეპუტატების მუშაობაში არსებულ ნაკლოვანებათა ფართო კრიტიკის გაშლა.

5. მოაწყონ აღმასკომებთან დეპუტატთა ოთახები, სადაც დეპუტატები მიიღებენ თავიანთ ამომრჩეველებს; დახმარება გაუწიონ მათ ამომრჩეველთან

საუბრების ჩასატარებლად პარტიული და საბჭოთა ორგანოების გადაწყვეტილებათა შესახებ, სამეურნეო და კულტურული მშენებლობის საკითხებზე.

6. არსებითად გააუმჯობესონ ამომრჩევლებთან დეპუტატების მუშაობის საკითხებისა და ამომრჩეველთა წინაშე დეპუტატების ანგარიშების გაშუქება პრესაში და რადიოთი.

საქართველოს სსრ უმაღლესი საბჭოს
პრეზიდიუმის თავმჯდომარე **მ. ჩუბინიძე.**

საქართველოს სსრ უმაღლესი საბჭოს
პრეზიდიუმის მდივანი **ს. როსტაშვილი.**

ქ. თბილისი.
1955 წ. 27 ივნისი.

3. ბრძანებულია საქართველოს სსრ ზოგიერთ რაიონში ადმინისტრაციულ-ტერიტორიული ცვლილებების შესახებ

საქართველოს სსრ უმაღლესი საბჭოს პრეზიდიუმში ადგენს:

შეტანილი იქნას შემდეგი ადმინისტრაციულ-ტერიტორიული ცვლილებანი:

ადიგენის რაიონში:

გამოეყოს მოხის სასოფლო საბჭოს სოფელი კებოვანი და მიეკუთვნოს ქეჭლის სასოფლო საბჭოს.

გაუქმდეს ადიგენის სასოფლო საბჭოს სოფელი ოსიეთი.

ახმეტის რაიონში:

გამოეყოს მატნის სასოფლო საბჭოს სოფელი ხევისჭალა და მიეკუთვნოს დუისის სასოფლო საბჭოს.

მოსახლეობის გეგმიანი წესით სხვა ადგილებში ჩასახლების გამო გაუქმდნენ:

ზემო ხოდაშნის სასოფლო საბჭოს სოფლები ბაკანა და ვაშლოვანი;

ომალოს სასოფლო საბჭოს სოფლები: გუდანთა, ბედელა, საბუე, ფარს-

მა და ცოკალთა;

ახმეტის სასოფლო საბჭოს სოფელი კვერნაძეული.

ახალციხის რაიონში:

გამოეყოს ელიაწმინდის სასოფლო საბჭოს სოფელი მიქელწმინდა და მიეკუთვნოს წყრუთის სასოფლო საბჭოს.

ახალქალაქის რაიონში:

გამოეყოს ალასტანის სასოფლო საბჭოს სოფელი დიდი სამსარი და მიეკუთვნოს ბარალეთის სასოფლო საბჭოს.

გაერთიანდნენ კარწახის სასოფლო საბჭოს სოფლები ვერანაკარწახი და ფილიპოვკა და ეწოდოს სოფელი ფილიპოვკა.

ბოგდანოვკის რაიონში:

ეწოდოს ხოჯაბეგის სასოფლო საბჭოს ბოგდანოვკის სასოფლო საბჭო.
გამოეყოს ეშტიის სასოფლო საბჭოს სოფელი ჯიგრაშენი და მიეკუთვნოს ბოგდანოვკის სასოფლო საბჭოს;

გაერთიანდნენ:

სათხის სასოფლო საბჭოს სოფლები ბატკანა და ოროჯოლარი და ეწოდოს სოფელი ოროჯოლარი.

ეშტიის სასოფლო საბჭოს სოფლები პატარა ხორენია და ჯიგრაშენი და ეწოდოს სოფელი ჯიგრაშენი.

გორის რაიონში:

გამოეყოს:

შინდისის სასოფლო საბჭოს სოფელი საქაშეთი და მიეკუთვნოს ვარიანის სასოფლო საბჭოს;

ზემო-ახალსოფლის სასოფლო საბჭოს სოფელი ქანჭახა; ატენის სასოფლო საბჭოს სოფელი დიდი წერეთი და მიეკუთვნონ მღებრიანის სასოფლო საბჭოს.

კასპის რაიონში:

მოსახლეობის გეგმიანი წესით სხვა ადგილებში ჩასახლების გამო, გაუქმდნენ:

წინარების სასოფლო საბჭოს სოფლები: ვერხვეულა, ზვარიკოტმანი, ტყემლოვანი, შუბათი: გოსტიბის სასოფლო საბჭოს სოფელი ზირთა.

გამოეყოს ლამისყანის სასოფლო საბჭოს სოფლები: მზვარეთი, მარდიანთკარი, წიფლისწყაო და მიეკუთვნონ ოკმის სასოფლო საბჭოს.

ტყიბულის რაიონში:

გამოეყოს სოჩხეთის სასოფლო საბჭოს სოფელი კისორეთი და მიეკუთვნოს გურნის სასოფლო საბჭოს.

ქარელის რაიონში:

გამოეყოს გვერძინეთის სასოფლო საბჭოს სოფლები ციხისგვერდი და სათერძე, ზემო ზვედურეთის სასოფლო საბჭოს სოფელი ქვენაფლავი, იმერხევის სასოფლო საბჭოს—სოფელი ბატიური და მიეკუთვნონ ისინი ქარელის სასოფლო საბჭოს;

გამოეყოს ტყემლოვანის სასოფლო საბჭოს სოფლები მუხილეთი და აბუხალო და მიეკუთვნონ ზღუდრის სასოფლო საბჭოს;

გამოეყოს გვერძინეთის სასოფლო საბჭოს სოფელი ბატეთი და მიეკუთვნოს კეხიჯვრის სასოფლო საბჭოს.

მოსახლეობის გეგმიანი წესით სხვა ადგილებში ჩასახლების გამო გაუქმდნენ სოფლები კოდავეთი და ზემო შვანო.

საქართველოს სსრ უმაღლესი საბჭოს

პრეზიდიუმის თავმჯდომარე მ. ჩუბინიძე.

საქართველოს სსრ უმაღლესი საბჭოს

პრეზიდიუმის მდივანი ს. როსტაშვილი.

ქ. თბილისი.

1955 წ. 27 ივნისი.



4. ბრძანებულება აჭარის ასსრ ქობულეთის რაიონის ქახათის სასოფლო-საბუკოს ცენტრის გადატანის, საბუკოს გადარქმევისა და ზოგიერთი ხოფლის გაუქმების შესახებ

საქართველოს სსრ უმაღლესი საბუკოს პრეზიდიუმი ადგენს:
დამტკიცდეს აჭარის ასსრ უმაღლესი საბუკოს პრეზიდიუმის წარდგინება და:

ა) გადატანილ იქნას ქობულეთის რაიონის ქახათის სასოფლო-საბუკოს ცენტრი სოფელ ქახათიდან სოფელ ზენითში და საბუკოს, მისი ცენტრის სახელწოდების შესაბამისად ეწოდოს ზენითის სასოფლო-საბუკო;

ბ) გაერთიანდნენ სოფლები: ნაკაიძეები და ხუცუბანი ერთ—ხუცუბნის სოფლად;

ხარაზნები და კვირიკე ერთ—კვირიკეს სოფლად;

გ) მოსახლეობის საცხოვრებლად სხვა ადგილზე დასახლების გამო გაუქმდეს ყოფილი ჩაქვის სასოფლო-საბუკოს სოფელი ახალსოფელი.

საქართველოს სსრ უმაღლესი საბუკოს
პრეზიდიუმის თავმჯდომარე **მ. ჩუბინიძე**.

საქართველოს სსრ უმაღლესი საბუკოს
პრეზიდიუმის მდივანი **ს. როსტიაშვილი**.

ქ. თბილისი.
1955 წ. 27 ივნისი.

5. საქართველოს სსრ უმაღლესი საბუკოს პრეზიდიუმის 1949 წლის 13 ივნისის და 19 ივლისის დადგენილებების ნაწილობრივად შეცვლის შესახებ

საქართველოს სსრ უმაღლესი საბუკოს პრეზიდიუმი ადგენს:

ნაწილობრივად შეიცვალოს საქართველოს სსრ უმაღლესი საბუკოს პრეზიდიუმის 1949 წლის 13 ივნისის და 19 ივლისის დადგენილებები და საქართველოს სსრ უმაღლესი სასამართლოს წევრები ვალერიან ზაქარიასძე გიორგობიანი და პავლე პაულესძე ყუფარაძე ჩაითვალოს საქართველოს სსრ უმაღლესი სასამართლოს წევრის მოვალეობისაგან განთავისუფლებულებად.

საქართველოს სსრ უმაღლესი საბუკოს
პრეზიდიუმის თავმჯდომარე **მ. ჩუბინიძე**.

საქართველოს სსრ უმაღლესი საბუკოს
პრეზიდიუმის მდივანი **ს. როსტიაშვილი**.

ქ. თბილისი.
1955 წ. 27 ივნისი.